

ხელშეკრულება №83
“Daisy e. XPERT” საკონტროლო სალარო აპარატის
საგარანტიო და ტექნიკური მომსახურების შესახებ

ქ.თბილისი

30/ოქტომბერი/ 2019 წ.

ერთი მხრივ, შპს „ჯორჯიან სერვის ნეთვორკი“ ს/კ: 406049823 (შემდგომში “მიმწოდებელი”) წარმომადგენელი იურისტის გიორგი წაქაძის სახით და მეორე მხრივ, ა(ა)იპ „მუზეუმების გაერთიანება“ ს/კ 402036998 (შემდგომში - შემსყიდველი), წარმოდგენილი გენერალური დირექტორი- ნინო სანადირაძის სახით, (შემდგომში “შემსყიდველი”), ვხელმძღვანელობთ რა საქართველოს მოქმედი კანონმდებლობით და „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის შესაბამისად, ვთანხმდებით შემდეგზე:

1. ხელშეკრულების საგანი

1.1. მიმწოდებელი ვისრულებს ვალდებულებას, გაუწიოს შემსყიდველის საკუთრებაში არსებულ ამ მუხლის 1.2. პუნქტში აღნიშნულ “Daisy e. XPERT” საკონტროლო სალარო აპარატ(ებ)ს, (შემდგომში “სსა”) სარეგისტრაციო, საგარანტიო, ტექნიკური და შემოსავლების სამსახურთან GPRS კავშირის მომსახურება, ასევე კრიპტო მოდულის ავტორიზაციის გასაღების პერიოდული ცვლილება. ხოლო შემსყიდველი თავის მხრივ იღებს ვალდებულებას ამ მუხლში აღნიშნული მომსახურების მიღების მიზნით მიმწოდებელს გადაუხადოს ყოველთვიური სააბონენტო გადასახადი; შესყიდვის ობიექტის კოდი: CPV 50311400 - კალკულატორებისა და სააღრიცხვო მანქანების ტექნიკური მომსახურება და შეკეთება.

1.2. საკონტროლო სალარო აპარატის (ებ)ს მონაცემები და მომსახურების ვადები:

N	ფისკალური მეხსიერების ნომერი	სსა-ს ნომერი	მომსახურების გაწევის ვადა სსა-ზე
1.	-----	DY00103496	30/10/2019 - 06/10/2020

2. მომსახურების გაწევის წესი და პირობები

2.1. სსა-ს საგარანტიო პერიოდი აითვლება მისი პირველადი რეგისტრაციის მომენტიდან და სრულდება 3 კალენდარული წლის გასვლისთანავე. საგარანტიო მომსახურება გულისხმობს მიმწოდებლის მხრიდან სსა-ის ნებისმიერი ტექნიკური გაუმართაობის მიზეზების აღმოფხვრას იმ შემთხვევაში, თუ შემსყიდველი მიმწოდებელს მთელი ამ პერიოდის განმავლობაში თითოეულ საანგარიშო თვეზე გადაუხადის ამ ხელშეკრულების მე-4 მუხლით გათვალისწინებულ სააბონენტო გადასახადს; საგარანტიო მომსახურების ღირებულება გათვალისწინებულია წინამდებარე ხელშეკრულებით გათვალისწინებულ მომსახურების ღირებულებაში.

2.2. მიმწოდებლის მიერ შემსყიდველისთვის წინამდებარე ხელშეკრულებით გათვალისწინებული საგარანტიო და ტექნიკური მომსახურების გაწევა ხორციელდება მიმწოდებლის შესაბამის სერვისცენტრში, შესაბამისი კვალიფიკაციის ტექნიკური პერსონალის მიერ. აღნიშნული მომსახურების მისაღებად შემსყიდველი ვალდებულია დაზიანებული სსა მიაწოდოს მიმწოდებელს შესაბამის სერვის ცენტრში; რომელიც თავის მხრივ ვალდებულია განახორციელოს ტექნიკური და საგარანტიო მომსახურება.

2.3. იმ შემთხვევაში, თუ სსა-ის დაზიანება გამოწვეულია შემსყიდველის მხრიდან მომხმარებლის სახელმძღვანელოში მითითებული წესების არასწორად გამოყენების, ძაბვის ცვალებადობის, სსა-ს შიდა მოწყობილობაში შესვლის მცდელობის, მისი მექანიკური დაზიანების, ფორს მაჟორული შემთხვევის შედეგად, შემსყიდველი კარგავს მიმწოდებლისაგან საგარანტიო და ტექნიკური მომსახურების მიღების მოთხოვნის უფლებამოსილებას;

2.4. ამ მუხლის 2.3. პუნქტით გათვალისწინებულ შემთხვევაში, მიმწოდებელი უფლებამოსილია განაახლოს სსა-ს საგარანტიო და ტექნიკური მომსახურება, მხოლოდ მისი აღდგენითი სამუშაოების განხორციელების შემდეგ, რომლის ღირებულებაც განისაზღვრება ცალკე ხელშეკრულებით.

3. მიმწოდებლის უფლებამოსილება

3.1. მიმწოდებელი უფლებამოსილია დროებით, ნაწილობრივ ან/და მთლიანად შეუჩეროს ან/და შეუწყვიტოს შემსყიდველს სარეგისტრაციო, საგარანტიო, ტექნიკური და შემოსავლების სამსახურთან GPRS კავშირის მომსახურების, ასევე კრიპტო მოდულის ავტორიზაციის გასაღების პერიოდული ცვლილების მომსახურების გაწევა, იმ შემთხვევაში, თუ შემსყიდველის მიერ მიმწოდებლისათვის არ განხორციელდება ხელშეკრულების მე-4-ე მუხლით გათვალისწინებული სააბონენტო გადასახადის დროულად და სრულად გადახდა.

4. სააბონენტო გადასახადი და ანგარიშსწორების წესი

4.1. შემსყიდველის მიერ მიმწოდებლისათვის გადასახდელი მომსახურების სააბონენტო გადასახადი განისაზღვრება წლიურად 60 (სამოცი) ლარის ოდენობით დღგ-ის ჩათვლით ერთ სსა-ზე;

4.1.1 ხელშეკრულების ჯამური თანხა შეადგენს 60 (სამოცი) ლარს;

4.2. შემსყიდველის მიერ სააბონენტო გადასახადის გადახდა ხორციელდება მიმწოდებლის საბანკო ანგარიშზე 12 (თორმეტი) თვის გადასახადის ჩარიცხვის გზით;

4.3. შემსყიდველს დაერიცხება მთლიანი სააბონენტო გადასახადი ყოველთვიურად 5 ლარის ოდენობით ერთ სსა-ზე.

4.4 ანგარიშსწორება განხორციელდება უნაღდო ანგარიშსწორების ფორმით, ლარში ადგილობრივი ბიუჯეტის დაფინანსების ფარგლებში.

5.საქონლის მიღება - ჩაბარების წესი

შემსყიდველის მხრიდან მიღება-ჩაბარებაზე პასუხისმგებელ პირს წარმოადგენს ა(ა)იპ მუზეუმების გაერთიანების ტექნიკური მენეჯერი - გიორგი ზაქარაშვილი.

მომსახურება ჩაითვლება მიღებულად მხარეთა მიერ მიღება-ჩაბარების აქტის ხელმოწერის დღიდან.

6.ხელშეკრულების ძალაში შესვლა, მისი გაგრძელების და შეწყვეტის პირობები

6.1.ხელშეკრულება ძალაში შედის მისი ხელმოწერის მომენტიდან;

6.2.ხელშეკრულება შეიძლება შეწყდეს:

6.2.1. მომწოდებლის მიერ, თუ შემსყიდველი არ ასრულებს წინამდებარე ხელშეკრულებით ნაკისრ ვალდებულებებს;

6.2.2.შემსყიდველის მიერ, თუ მიმწოდებელი არ ასრულებს წინამდებარე ხელშეკრულებით ნაკისრ ვალდებულებებს;

6.2.3.მხარეთა წერილობითი შეთანხმებით.

6.3.ხელშეკრულების ვადა განისაზღვრება 2020 წლის 1 დეკემბრის ჩათვლით.

7. დავის გადაწყვეტის წესი

7.1.წინამდებარე ხელშეკრულებით დაურეგულირებელი საკითხები გადაწყდება საქართველოს კანონმდებლობის შესაბამისად მხარეთა ურთიერთშეთანხმებით;

8.მხარეთა პასუხისმგებლობა

8.1. ფორსმაჟორული გარემოებების გარდა ხელშეკრულებით გათვალისწინებული ვალდებულებების შესრულების ვადების გადაცდენის შემთხვევაში მხარეებს დაეკისრება პირგასამტეხლოს გადახდა ყოველ ვადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

8.2. ხელშეკრულების ნაწილობრივ შესრულების შემთხვევაში მხარეს ეკისრება პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

8.3. ხელშეკრულების პირობების შეუსრულების შემთხვევაში მხარეს ეკისრება პირგასამტეხლო ხელშეკრულების საერთო ღირებულების 10%-ის ოდენობით.

8.4. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

8.5. იმ შემთხვევაში, თუ მხარისათვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 1 (ერთი) პროცენტს, მეორე მხარეს უფლება აქვს ცალმხრივად მოითხოვოს ხელშეკრულების მოშლა და მიყენებული ზიანის ანაზღაურება.

9. დასკვნითი დებულებანი

9.1.წინამდებარე ხელშეკრულების ნებისმიერი ცვლილება ან/და დამატება დასაშვებია მხოლოდ მხარეთა წერილობითი შეთანხმების საფუძველზე;

9.2.წინამდებარე ხელშეკრულების რომელიმე დებულების ან/და ნაწილის ბათილობა არ იწვევს ხელშეკრულების სრულ ბათილობას;

9.3.ხელშეკრულება შედგენილია 2 (ორი) თანაბარი იურიდიული ძალის მქონე ეგზემპლარად და ინახება მხარეებთან.

10.მხარეები და მათი რეკვიზიტები:

მიმწოდებელი:

შ.პ.ს. „ჯორჯიან სერვის ნეთვორკი“

მის: ქ.თბილისი, ვაჟა-ფშაველას 45

ს/კ: 406049823

ტელ: (032) 2 500 111

ელ. ფოსტა info@gsn.ge

ბანკი: სს „თიბისი ბანკი“

ბანკის კოდი: TBCBGE22

ა/ა GE70TB7114436080100001

წარმომადგენელი/გიორგი წაქაძე


შემსყიდველი:

ა(ა)იპ მუზეუმების გაერთიანება

ს.კ. 402036998

მის.: ქ. თბილისი, აღმაშენებლის გამზ. N103

გენერალური დირექტორი

ნინო სანადირაძე  ბ.ა.